



**REGIONE AUTÒNOMA DE SARDIGNA**  
**REGIONE AUTONOMA DELLA SARDEGNA**  
SU PRESIDENTI

Prot. n.11731

**ORDINÀNTZIA N. 47 DE SU 9 DE MES'E LADÀMINI 2020**

**Ogetu:** **Atras medidas straordinàrias apretadas de cuntrastu e prebènnida de s'apestamentu epidemiològicu de COVID-19 in su territòriu regionali de Sardìnnia. Ordinàntzia cunforma a s'art.32, comma 3, de sa lei 23 de mes'e idas 1978, n. 833 apitzus de igiene e sanidadi pùblica.**

**SU PRESIDENTI**

BIU s'art. 32 de sa Costitutzioni

BIU su Statutu Spetziali po sa Sardìnnia e is normas de cumpridura relativas;

BIA sa lei regionali 7 de gennàrgiu 1977, n. 1 chi narat "*Normas apitzus de s'organizazioni aministrativa de sa Regioni Sarda e apitzus de is cumpetèntzias de sa Giunta, de sa Presidèntzia e de is Assessoraus regionalis*";

BIA sa lei 23 de mes'e idas 1978, n. 833 "Istitutzioni de su servitziu sanitàriu natzionali" e in manera particolari s'articulu 32 chi narat "*su Ministru de sa sanidadi podit spratzinai ordinàntzias de genia contingibili e apretada, apitzus de igiene e sanidadi pùblica e de politzia veterinària, cun profetu amanniau a totu su territòriu natzionali o a una parti de cussu chi imbòrdigat a prus regionis*", cumenti puru "*in cussas allegas e totu funt spratzinadas po parti de su presidenti e de sa giunta regionali e de su sindigu ordinàntzias de genia contingibili e apretada, cun profetu amanniau rispetivamente a sa regioni o a una parti de su territòriu cosa sua chi imbòrdigat a prus comunus e a su territòriu comunali*";

BIA sa dekratzioni de s'Organizatzioni mundiali de sa Sanidadi de su 30 de gennàrgiu 2020 aundi s'epidemia de COVID-19 est stètia cunsiderada cumenti una emergèntzia de sanidadi pùblica de importu internatzionali;

BIA sa delìbera de su Cunsillu de is Ministrus de su 31 de gennàrgiu 2020 chi narat "*Dekratzioni de su stadu de emergèntzia a pustis de su perigulu sanitàriu allongiau a sa lòmpida de patologias ocasionadas de agentis viralis trasmitibilis*";

BIA s'ordinàntzia de su Cabu de su Dipartimentu de sa protetzioni civili n. 630 de su 3 de friàrgiu 2020 chi narat "*Primas interbènnidas apretadas de protetzioni civili po cussu chi pertocat a s'emergèntzia chi pertocat a su perigulu sanitàriu allongiau a sa lòmpida de patologias ocasionadas de agentis viralis trasmitibilis*";



REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI

- BIU su decretu-lei 23 de friargiu 2020, n.6 chi narat "*Medidas apretadas apitzus de impiticamentu e gestioni de s'emergèntzia epidemiològica de COVID-19*" furriau, cun mudàntzias, de sa lei 5 de martzu 2020, n. 13, bogau apustis de su decretu-lei n.19 de su 2020 a foras de s'art. 3, comma 6-bis, e de s'art.4;
- BIU su decretu de su Cabu de si Dipartimentu de sa protetzioni civili n. 627 de su 27 de friargiu 2020 chi nùmenat a su Presidenti de sa Regioni Sardinnia, sugetu faidori de is *interbènnidas chistionadas de su OCDPC 630/2020*;
- BIA sa decraratzioni de sa Organizatzioni mundiali de sa sanidadi de su 11 de martzu 2020 aundi sa epidemia de COVID-19 est stètia cunsiderada cumentu "pandemia" cunsiderendi de is livellus de spratzinadura e graidesa lòmpius a livellu globali;
- BIU su decretu lei 17 de martzu 2020, n.18, chi narat "*Medidas de afortiamentu de su servitziu sanitàriu natzionali e de apoderamentu econòmicu po famillias, traballadoris e impresas alliongiadas a s'emergèntzia epidemiològica de COVID-19*" furriau, cun mudàntzias, cun sa lei 24 de abrilu 2020, n.27:
- BIU su decretu-lei 25 de martzu 2020, n.19 chi narat "*Medidas apretadas po infrentai s'emergèntzia epidemiològica de COVID-19*", furriau, cun mudàntzias, de sa lei 22 de maju 2020, n. 35 e mudau torra de su D.L. n. 83/2020, in manera particolari is articulus 1 e 2, comma 1;
- BIAS is ordinàntzias contingibilis e apretadas de su Presidenti de sa Regioni Sardigna, cunforma a s'art. 32, comma 3, de sa lei 23 de mes'e idas 1978, n. 833 apitzus de igiene e sanidadi pùblica n.2 de su 23 de friargiu 2020, n.3 de su 27 de su friargiu 2020, n.4 de su 8 de martzu 2020, n.5 de su 9 de martzu 2020 e noda spricadora alliongiada n. 2593 de su 10 de martzu 2020, nn. 6, 7 e 8 de su 13 de martzu 2020, n. 9 de su 14 de martzu 2020 e noda spricadora alliongiada n. 3EM de su 16 de martzu 2020, n.10 de su 23 de martzu 2020, n. 11 de su 24 de martzu 2020, n. 12 e 13 de su 25 de martzu 2020, nn. 14, 15 e 16 de su 3 de abrilu 2020, n. 17 de su 4 de abrilu 2020, n. 18 de su 7 de abrilu 2020, n. 19 de su 13 de abrilu 2020, n. 20 de su 2 de maju 2020 e sa noda alliongiada n.8EM de su 9 de maju 2020, n. 21 de su 3 de maju 2020, n. 22 de su 13 de maju 2020, n. 23 de su 17 de maju 2020, n. 24 de su 19 de maju 2020, n. 25 de su 23 de maju 2020, n. 26 de su 29 de maju 2020, n. 27 de su 2 de làmpadas 2020, n. 28 de su 7 de làmpadas 2020, n. 29 de su 14 de làmpadas 2020, n. 30 e n. 31 de su 4 de mes'e argiolas 2020, nn. 34 e 35 de su 15 de su mes'e argiolas 2020, e n. 36 de su 31 de mes'e argiolas 2020, n. 37 de su 9 de austu 2020, n. 38 de su 11 de austu 2020, n. 39 de su 12 de austu 2020, n. 40 de su 13 de austu 2020, n. 41 de su 16 de austu 2020; n. 43 de su 11 de cabudanni 2020; n. 44 de su 22 de cabudanni 2020 e n. 45 de su 25 de cabudanni 2020 e n.46 de su 6 de mes'e ladàmini 2020;
- BIU su decretu lei 16 de maju 2020, n. 33 chi narat "*Atras medidas apretadas po infrentai s'emergèntzia epidemiològica de COVID-19*" e publicau in sa Gazeta Ufitziali n. 125 de su 16 de maju 2020, furriau, cun mudàntzias, cun sa lei 14 de mes'e argiolas 2020, n.74 e mudau torra de su D.L. n. 83/2020;



**REGIONE AUTÒNOMA DE SARDIGNA**  
**REGIONE AUTONOMA DELLA SARDEGNA**  
**SU PRESIDENTI**

- BIU su decretu lei 19 de maju 2020, n. 34 “Medidas apretadas apitzus de saludi, apoderamentu a su traballu e a s’economia, cumenti puru de políticas sotzialis alliongiadas a s’emergèntzia epidemiològica de COVID-19”, furriau, cun mudàntzias, cun sa lei 17 de mes’e argiolas 2020, n. 77;
- BIUS is decretus de su Presidenti de su Cunsillu de su 11 de làmpadas 2020, de su 14 de mes’e argiolas 2020 is alliongiaus insoru;
- BIAS is ordinàntzias de su Ministru de sa Saludi de su 30 de làmpadas 2020, de su 9 de su mes’e argiolas 2020, de su 16 de mes’e argiolas 2020, de su 24 de su mes’e argiolas 2020, de su 30 de su mes’e argiolas 2020, de su 1 de austu 2020, de su 12 de austu 2020;
- BIU su decretu lei de su 30 de su mes’e argiolas 2020, n. 83 “Medidas apretadas alliongiadas cun sa scadèssida de sa deccaratzioni de emergèntzia epidemiològica de COVID-19 deliberada su 31 de gennàrgiu 2020” chi apariciat su perlongu de su stadu de emergèntzia finsas a su 15 de su mes’e ladàmini 2020;
- BIU su decretu-lei 7 de mes’e ladàmini 2020, n. 125 chi narat “Medidas apretadas alliongiadas cun su perlongu de sa deccaratzioni de su stadu de emergèntzia epidemiològica de COVID-19 e po sa sighidura operativa de su sistema de allerta COVID, cumenti puru sa atuatzioni de sa diretiva (UE) 2020/739 de su 3 de làmpadas 2020”, aundi si cumandat intre is atras cosas su perlongu de su stadu de emergèntzia a su 31 de gennàrgiu;
- BIU su decretu de su Presidenti de su Cunsillu de is Ministrus 7 de austu 2020 e is alliongiaus suus, e in manera particolari is lìteras e) e f) de su comma 6, de s’art. 1, chi pertocant a is eventus e a is competizioni sportivas, chi intre is atras cosas permitint sa partecipazioni de su pùblicu a is eventus sportivus chi no barighint su nùmeru màssinmu de 1.000 castiadoris po is stàdius a s’inforas;
- BIU su decretu de su Presidenti de su Cunsillu de is Ministrus 7 de cabudanni 2020 e is alliongiaus suus, decraus ultrativus in is tradus de s’arricida de su Decretu de su Presidenti de su Cunsillu de is Ministrus e de dònna manera profetosus finsas a su 15 de su mes’e ladàmini 2020, cunforma a s’art. 5 Decretu Lei 7 de mes’e ladàmini 2020, n. 125;
- RELEVAU chi su DPCM 07.08.2020 numenau tenit balori, gràtzias a su DPCM 07.09.2020, finsas a su 07.10.2020 e po efetu de su Decretu Lei 7 de mes’e ladàmini 2020, n. 125, finsas a su 15 mes’e ladàmini 2020;
- CUNSIDERAU su caminu de s’acontèssiu epidemiològicu, sa manera apestadora meda de s’epidemia e su caminu de is acontèssius in su territòriu natzionali;
- CUNSIDERAU chi is medidas sovranatzionalis de s’acontèssiu epidèmicu e s’imbordigamentu de medas sitius in su territòriu natzionali faint arrechedi medidas chi potzant assegurai sa cumpridura de is programas de profilassi cuncordaus in sedi internatzionalis e europea, acconcendi is medidas castiendi a sa spetzifitzidadi de su cuntestu territoriali



REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI

imbordigau, arrespetendi is allegas de arresonnadura, propportzionalidadi e adeguadura a su perigulu presenti diaderus in su territòriu regionali;

BIU s'art. 2 numenau de su DPCM de su 7 de cabudanni 2020, bia a su cali *"is inditaduras de custu decretu si impreant po is Regionis a statutu spetziali e a is Provintzias autonomas de Trento e de Bolzano de manera cumpatibili cun is Statutus insoru e is normas de cumpridura chi ddi pertocant"*.

BIU s'art. 1, comma 6, litera n) de su DPCM 7 de austu 2020, aundi *"is Regionis e is provintzias autònomas, po cussu chi pertocat a su caminu de s'acontèssiu epidemiològicu in is territòrius suos, podint scioberai una dii differenti de torrada a cumintzai de is atividadis, cumentu puru unu nùmeru differenti de castiadoris cunsiderendi is mannesas e is carateristicas de is logus"*;

DONAU ÀUTU de is podestadis primàrias donadas a sa cumpetèntzia regionali de sa Lei Costitutzionali 26 de friàrgiu 1948, n.3;

ABETAU chi si fichit aintru de is cumpetèntzias primàrias de sa Regioni Autònoma de Sardinnia cunforma a is allegas intregadas a sa podestadi legisladora e aministrativa cosa sua e, po cussa, tochit a su Presidenti de sa Regioni Autònoma de Sardinnia, puru cumentu Autoridadi Sanitària Regionali cumentu puru sugetu faidori de is interbènnidas de su OCDPC 630/2020, castiai e carculai is interbènnidas arrechedi po s'amparu de sa saludi pùblica;

PENSAU de dèpiri impreai, cun ordinàntza sua, is medidas arrechedi de atenzioni po podi cuntènni s'amostadura a su perigulu de spratzinadura epidemiològica de su virus SarscoV-2 a pustis de sa regolamentatzioni mudada de sa circolatzioni de sa genti;

PENSAU chi siat mellus sighiri a impreai cautela manna prevdidendi de torrai a su costumau a pagu a pagu e chi, arrespetendi is protocollus e is linias ghia natzionalis, siat possibili assegurai una torrada a is atividadis in s'apretu mannu de s'amparu de sa saludi pùblica e, de dònna manera, pensendi a interbenni a lestru po s'arricidura de interbènnidas stringidoras deretas, si si iant a èssiri arrechedi po cussu chi pertocat is castiamentus numenaus ainnantis;

CUNSIDERAU chi abetendo a is linias ghia de cumpetèntzia statali chi pertocant a is campionaus natzionalis e internatzionalis cunforma a sa lit. f) de s'art. 1, comma 6. DPCM 7.8.2020, perlongau finsas a su 07.10.2020, ddoi funt is arresonis, castiendi puru a s'acontèssiu epidemiològicu acrarau apitzus, po autorizai, po su tempus sceti intre su 10 de su mes'e ladàmini e su 15 de su mes'e ladàmini 2020, su cumprimentu de is partidas de is campionaus natzionalis a innantis de su pùblicu arrespetendi is disposiduras acraradas in su dispositivu;

PENSAU de permiti sa presèntzia de su pùblicu in su petantis de is eventus e de is cumpetizzionis sportivas, cumprèndias puru cussas arreconnotas de interessu natzionali po parti de su Cumitau Olimpiku Natzionali Italianu (CONI), de su Cumitau Italianu Paralimpiku (CIP) e de dònna federatzioni. o puru apariciaus de organismus sportivus internatzionalis, in is impiantus a s'inforas, sceti po cussus setoris aundi siat



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA  
SU PRESIDENTI**

possibili assegurai setzidòrgius de donai a dònna castiadori po totu su tempus de s'eventu e arrespetendi is inditaduras specificas chi bollant prebenni e cuntrastai su perigulu de apestamentu, aici cumentu amostadas in su alliongiau 1 de custa Ordinàntzia;

**CARCULAU** in prus, s'apretu e sa indifferibildadi de aconciai a is cunditzionis epidemiològicas mudadas torra is medidas straordinàrias a amparu de sa saludi de is citadinus sardus po sa prebènnida e su cuntenimentu de sa spratzinadura in su territòriu de sa Regioni Sardìnnia de su Covid-19, cunforma a s'art.32 de sa lei 23 de mes'e idas 1978, n. 833 apitzus de igiene e sanidadi;

**CUMANDAT**

**Art. 1)** Cumintzendi de su 10 de mes' e ladàmini 2020, est permitia sa partecipatzioni desu pùblicu a eventus sportivus chi no siant de prus de 1.000 castiadoris po is stàdius a s'inforas, in su petantis de is eventus e is cumpetizzioni sportivas, cumprèndias puru cussas arreconnotas de interessu natzionali po parti de su Cumitau Olimpiku Natzionali Italianu (CONI), de su Cumitau Italianu Paralimpiku (CIP) e de totus is atras federatzioni, o puru apariciaus de organismus sportivus internatzionalis, de dònna disciplina, sceti po cussus setoris aundi siat possibili assegurai setzidòrgius de donai a dònna castiadori po totu su tempus de s'eventu, ponendi menti in prenu a is inditaduras donadas de su DPCM 07.08.2020 e de is medidas previdias in s'alliongiau 1 de custa Ordinàntzia. Est cumandau de si ponni is dispositivus de amparu de is bias respiratòrias in su petantis de custus eventus sportivus numenaus.

**Art. 2)** Po totu cussu chi no est disciplinau de manera crara in custa ordinàntzia, si depit castiai a su DPCM 7 de cabudanni 2020 e is allongiaus relativus chi ddi faint parti integranti e de fundòriu, chi tenint balori de sa dii de su 10 de mes'e ladàmini 2020, finsas a su 15 de mes'e ladàmini 2020, a foras de unu perlongu craru e a foras de atras inditaduras diferentis, puru de sentidu trevessu, chi si iant a depi arrechèdiri castiendi a su caminu de sa curva de spratzinadura de su virus, chi at a èssiri castiau sempri de is òrganus cumpetentis de aministrazioni e aziendas.

Custa ordinàntzia est balida deretu e est publicada in su giassu istitutzionali de sa Regioni e in su B.U.R.A.S. Sa publicatzioni tenit balori de notifica individuali, po dònna efetu de lei, bia a totus is sugetus imbordigaus

A foras chi s'acontèssiu no iat a èssiri unu arreatu prus lègiu puru, sa farta de ponnidura a menti de is cumandus de custa ordinàntzia est castigada cumentu narat sa lei (art. 2 de su D. L. 33 de su 16 de maju 2020).

Custa ordinàntzia benit imbiada, sighendi is cumpetèntzas de donniunu, a su Presidenti de su Cunsillu de is Ministrus, a su Ministru de sa Saludi, a is Prefetus de is Ufitzius Territorialis de Guvernu de Sardìnnia, a is Assessoris regionalis, a is aministradoris straordinàrius de is Provìntzias, a su Sìndigu de sa Tzitadi metropolitasna de Casteddu e a is Sìndigus de is comunus de Sardìnnia.



**REGIONE AUTÒNOMA DE SARDIGNA**  
**REGIONE AUTONOMA DELLA SARDEGNA**  
SU PRESIDENTI

Cuntra de custa ordinàntzia est amìtiu su recursu giurisditzionali ainnantis de su Tribunali Aministrativu Regionali in su trèmini de sessanta diis de sa comunicatzioni, o puru cussu straordinàriu a su Cabu de su Stadu aintru de su trèmini de centubinti diis.

Christian Solinas